

SCRIPT OF MORNING GOJRI NEWS BULLETIN 25MAR 2025

1015HRS

مارننگ گوجری نیوز بولٹن 25 مارچ 2025

یوہ آکاشوانی جموں ہے محمد آسف تین خبر سُنو۔

LG KRISHAK MELA

لیفٹیننٹ گورنر منوج سنہا نے جاتے تہاڑے شیر کشمیر زرعی یونیورسٹی جموں غا آر ایس پورہ کیمپس مانہ منعقد کیا گیا کرشیک میلا ۲ ہزار ۵۲ مانہ شمولیت کی اس موقع ور ایل جی موصوف نے یونیورسٹی کیمپس غے اندر کسانان ناں خصوصی تربیت دین غی خاطر ۴ سہولیتی مرکزناں گو وی افتتاح کیو اپنا خطاب مانہ جناب سنہا نے کہیو جے وزیر اعظم نریندر مودی غی ہدایتاں ور جموں کشمیر غا زرعی سیکٹر مانہ نمایاں تبدیلی دیکھی گئی ہے اُن نے کہیو جے گزشتہ ۳ براں مانہ جموں کشمیر غی لاغت ناں متو بہتر بنان غی خاطر حکومت غی طرفوں تمام لوڑتا اقدام چایا گیا ہیں۔

CM CSR

وزیر اعلیٰ عمر عبداللہ نے جاتے تہاڑے ایوان ناں جانکاری دتی ہے جے این ایچ پی سی نے مالی سال ۲ ہزار ۴۲، ۵۲ غی کاطر ۸۲ کروڑ ۷۶ لکھ روپیاں غی رقم جاری کی ہے اس سلسلہ مانہ آکاشوانی جموں غا نمائندہ نے جانکاری دتی ہے جے وزیر اعلیٰ نے اس گل غی جانکاری ممبر اسمبلی وحید رحمان پرے غی طرفوں ایوان مانہ چایا گیا اکن سوال گا جواب مانہ دتی ہے اس موقع ور مزید بولتا واں وزیر اعلیٰ نے ایوان ناں یو وی دسیو ہے کہ این ایچ پی سی غی سرگرمیاں گے تحت صحت صفائی ستھرائی تعلیم بُتر ترقیات تے گرائیں ترقی سمیت بکھ بکھ سیکٹراں غی ترقی ناں یعنی بنایو جے گو وزیر اعلیٰ نے یوہ وی کہیو جے سی ایس آر غا پروجیکٹاں ناں علان غی کاطر متعلقہ اسمبلی ممبران ناں گل بات کرن غی ڈاڈھی لوڑ ہے تاں جے اُن غی صلاح غے مطابق پروجیکٹاں غی عمل آوری یقینی بن سکے۔

DY CM UNEMPLOYED YOUTH

نائب وزیر اعلیٰ سریندر چودھری نے کہیو ہے جے جنوری ۲ ہزار ۵۲ توڑی جموں کشمیر غا ۳ لکھ ۰۷ ہزار بے روز گار نوجوانان غا نایاں غو اندراج کیو جاچکو ہے۔ نائب وزیر اعلیٰ جاتے تہاڑے ایوان مانہ علی محمد ساگر غی طرفوں پوچھیا گیا اکن سوال گو جواب دے رہیا تھا۔ جناب سریندر نے ایوان ناں یاه وی جانکاری دتی ہے جے بے روز گار نوجوان بکھ بکھ روز گار دین آلی سکیمان ناں جُرن غی کاطر اپنا طور ور روز گار پورٹل ور اپنا نایاں گو اندراج کراسکیں۔

FREE GAS CYLINDER

جموں کشمیر حکومت غو کہنو ہے جے لوکان ناں سال مانہ ۲۱ گیس سلینڈر مفت مانہ مہیا کریا جان غا معاملہ ور حکومت غور کر رہی ہے آکاشوانی جموں گا نمائندہ نے دسیو ہے جے پیپل کانفرنس نے وابسطہ ممبر اسمبلی سجاد گنی لون غی طرفوں مفت گیس سلینڈراں مہیا کرانبارے پوچھیا گیا اکن سوال غا جواب مانہ امور سارفین تے عوامی نظام تقسیم کاری غا

وزیر ستیش شرما نے ایوان ناں جانکاری دتی ہے جے حکومت اس معاملہ ور غور کر رہی ہے۔

GOC VISIT

فوج غی وائیٹ نائیٹ کاپس غا جی او سی لیفٹیننٹ جنرل نویں سکریو نے دوجا اعلیٰ عہدے داراں غے نال پونچھ تے راجوری ضلع غی سرحدان غو دورو لاغے حفاظتی صورتحال گو جائیزو لیو اس سلسلہ مانہہ آکاشوانی جموں گا نمائیندہ نے جانکاری دتی ہے جے لیفٹیننٹ جنرل نے اپنا دورہ غے دوران حفاظت غی خاطر کی گئی تیاریاں غو نیڑے تیں جائیزو لیو۔

MUGHAL ROAD

راجوری تے پونچھ ضلعان ناں وادی کشمیر غا شوپیان ضلع نال جوڑن آلی مغل سڑک آئیندہ مہینہ غی ۰۱ تاریخ ناں گڈیاں لاریاں غی آؤ جائی واسطے کھول دتی جے گی۔ اس گل غی جانکاری آکاشوانی جموں گا مہارہ نمائیندہ نے اعلیٰ سرکاری عہدے داراں غا ہوالہ سنگ دتی ہے اس سلسلہ مانہہ پونچھ غا ضلع ترقیاتی کمشنر وکاس گنڈل نے دسیو ہے جے شروعاتی طور ور اس سڑک ناں ۹ اپریل ناں اک طرفہ ٹریفک واسطے کھولیو جے گو ڈی سی موصوف نے یو وی کہیو جے محکمہ موسمیات نے آئیندہ ۹۲ مارچ ناں برف پین غی پیشن گوئی کی ہے۔ جناب گنڈل نے کہی وے جے کدے متی برف نہ پئی تاں ۰۳ مارچ ناں سڑک صاف کرن غو کم شروع کردتو جے گو۔ واضع رہ جے مغل سڑک جنوری مہینہ مانہہ پاری برف پین غی وجہ تیں بند ہوگئی تھی۔

SANASAR TULIP GARDEN

وادی کشمیر مانہہ منیو پڑمنیو ٹولپ باغات آئیندہ مہینہ گا پہلا ہفتہ تیں سیلانیاں واسطے کھول دت وجے غو۔ واضع رہ جے جموں صوبہ غی حیات ناں بعدو دین غی کاطر سناسر مانہہ اک نوو ٹولپ باغات وی قائم کیو جے غو۔

JJM

ضلع راجوری غی تحصیل درہال غا لیراں گراں گا عام لوکاں نے حکومت تیں مانگ کیہے جے جل جیون مشن غے تحت پانی مہیا کران غی خاطر جاری پروجیکٹان ناں عملان غی خاطر کم مانہہ تیزی آئی چاہیے۔ اس سلسلہ مانہہ لیراں غا لوکاں نے ضلع ترقیاتی کمشنر راجوری ناں اپیل کی ہے جے پروجیکٹ ناں تاولان توں تاولان مکمل کرن غی خاطر متعلقین ناں ہدایت کی جیں تاں جے پہاڑی علاقہ مانہہ لوکاں ناں پین غا پانی غی سہولت دتی جاسکے۔

PM MKB

وزیر اعظم نریندر مو دی مُلک تے بیرون مُلک رہ رہیا بھارتی شہریاں سنگ آئندہ 30 ما رچ نانہہ آکا ش وانی ور من کی بات پروگرام غا اپنا ماہانہ شمارہ مانہہ اپنا خیالات سانجہ کریں گا۔ لوگ اپنا خیالات تے تجویز ٹول فری نمبر 1800117800 ور ڈائل کر غے روانہ کر سکیں۔ اس توں علاوہ نریندر مو دی ایپ یاہ فر مائی گو اوپن فورم ور وی اپنا خیالات تے تجویز روانہ کی جاسکیں۔ یہ تجویز اس مہینہ غی 28 تاریخ توڑی ہی قابل قبول وین گی۔ یوہ پروگرام آکا ش وانی، دور درشن، اے آئی آر نیوز ویب سائٹ تے نیوز آن انر مو بائل ایپ ور نشر تے ٹیلی کا سٹ کیو جائے گو۔ اس توں علاوہ یوہ پروگرام اے آئی آر نیوز، ڈی ڈی

نیوز تے وزیر اعظم غا دفتر تے اطلاعات و نشریات غی وزارت غا یوٹیوب چینل ور وی
براہ راست نشر تے ٹیلی کاسٹ کیو جائے گو۔ آکاش وانی اس پروگرام غی ہندی نشریات
غے فوراً بعد اس نانہ علا قائی زبانان مانہہ وی نشر کرے گو۔
